

本

事

詩

本事詩後集目錄

卷十一

朱彝尊

嚴繩孫

汪懋麟

毛甡

姚子莊

王揆

汪楫

余懷

王隼

附尤悔菴

曹禾

黎士弘

丁燦

吳之振

本事詩後集

卷十一 目錄

邵武徐氏刊

冒丹書

倪燦

蔡方炳

喬萊

本事詩卷十一

後集

吳江徐 鈞電發編輯

邵武徐 榦小勿校刊

朱彝尊

錫鬯竹垞  
嘉興人

黑蝶齋小牘曰秀水朱十頁異才吳梅村游櫓李見其詩評曰若遇賀監定有謫仙人之目嘗效俞羨長古意新聲體賦間情詩三十首錢塘陸麗京誦之傾倒作望遠曲思勝之不敵也一序尤爲計孝廉甫草擊節辭多不錄汪氏說鈴曰朱十彝尊詩才雋逸文尤跌宕可觀然性好飲酒嘗與高念祖佑鉉入都每日暮泊舟輒失朱所在及高往求之則朱已闌入酒肆中醉臥壚下矣

彭山卽事

竹垞嘗遊于越賦越江詞云山圍江郭水平沙  
過雨輕舟汎若耶一自西施采蓮後越中生女  
盡如花越之仕女交相和之一日偕董處士隱  
入一大宅觀彭山觀三女子明艷未嘗避人朱  
逡巡而退賦詩云云

誰家三婦艷新妝靜鎖葳蕤春日長一出浣紗行石上飛  
來無數紫鴛鴦

再過鼓山

猶是清江舊板橋門前流水細通潮垂楊不是傷心樹那  
得長條更短條

題陳女史畫蓮

吳興女子陳小住爲朱十畫扇  
作竝頭蓮朱十集唐人句題之

可愛深紅閃淺紅滿地荷葉動秋風縈迴謝女題詩筆一  
片西飛一片東

竹屋吹簫爲秀水王漢雯賦

秀水王生漢雯舍館于南張橋沈氏之宅宅西  
書屋水竹繞之靜夜無人生坐吹簫良久有婦  
人從竹林出通情款遂薦枕席經月餘語生日  
妾冤鬼也因訴冤狀請生雪之生大懼曉起力  
辭主人歸不復往陳秀才枕生同席硯友  
也微叩之生乃吐實爲賦一律紀其事云

哀蟬落葉響空廊何處風來夜度孃一水情通猶脉脉三  
星路斷已茫茫人閒定有黃金盃天上曾無白石梁宛轉  
歌殘玉簫歇西鳥飛盡月蒼涼

流虹橋紀事送葉元禮歸吳江

吳江葉舒崇元禮美丰姿少日隨其兄學山過  
流虹橋有女子在樓上見而慕之問其母曰有  
與葉九秀才偕行者何人也母漫應之曰三郎  
也女積思成疾將終語母曰得三郎一見死無  
恨矣女卒元禮適過其門母以女臨終之言告  
元禮入哭女目始瞑余作高陽臺記之云橋影  
流虹湖光映雪翠簾不卷春深一寸流波斷腸  
人在樓陰游絲不繫羊車住倩何人傳語青禽  
最難禁倚遍雕闌夢遍羅衾重來已是朝雲散  
悵明珠珮冷紫玉煙沈前渡桃花依然開滿江  
潯鍾情怕到相思路盼長隄草盡紅心動愁吟  
碧落黃泉兩處誰尋一時交傳其事後至會稽  
每入市窺簾者夾道時朱副使琬觀察越中曰  
是將看殺衛玠因招之入署及歸余送以詩云  
明童倚曲動梁塵姹女新妝更絕倫齊向羊車看衛玠臨

行愁殺洛陽人

贈若耶小史爲葉星期作

星期越游愛伶人某郎幼美其友致之是夕已儼裝將還矣執平不忍別賦絕句送之

畫舸乘風一葉輕  
紅亭相送客相迎  
最憐小史如初日  
不勸離筵到五更

將之永嘉曹侍郎餞予江上吳客韋二丈爲彈長  
亭之曲并吹笛送行歌以贈韋卽送其出塞

韋郎舊隸羽林籍  
曾向營門教吹笛  
不聽吳中白雪音  
定呼鄴下黃鬚客  
平原相見轉相親  
置酒誇君坐上賓  
下若



尊疊朝未罄東山絲竹夜還陳閒來坐我花閒奏玉洞飛  
泉響巖溜古調多傳關馬詞新聲似出康王授問我東行  
到海壖日斜江上慘離筵還將北鴈南飛曲催送錢塘楚  
客船船人插鼓津頭泊紅葉千山富春郭忽作邊秋出塞  
聲江楓岸柳紛紛落哀絃促管不堪聽賓御聞之亦涕零  
挂席遠移巖子瀨看山直上謝公亭聞君欲問雲中戍雪  
消飲馬長城去廣武營邊折柳時黃瓜阜上題書處司農  
舊是出羣才此日征西幕府開試向尊前歌一曲梅花飛  
遍李陵臺

題顧夫人畫蘭

睂樓人去筆牀空往事西州說謝公猶有秦淮芳草色輕

紈勻染夕陽紅

蘭名見金漳趙氏譜

秦淮舟中作

聞道秦淮樂未闌小長干接大長干桃根桃葉無消息腸

斷東風日暮寒

贈陳校書并索其畫扇二首

集唐

不將清瑟理霓裳笑倚東軒白玉牀小疊紅牋書恨字屏

風誤點惑孫郎

葡萄美酒夜光杯  
夜半高堂客未回  
知我憐君畫無敵  
且將團扇暫徘徊

南湖夜聞歌者

輕舟暗度古城東  
惆悵霜天落塞鴻  
誰向夜深歌水調  
傷心不待管絃終

嚴繩孫

孫友無錫人

蓀友爲貴公子孫  
早歲拂衣蕭疎澹  
遠脫然塵壚之外  
識者目爲倪元鎮  
一流著秋水集意  
象超越不爲綺靡  
之音摘其一二豔語  
風情月魂猶當遺世  
獨立也

贈溪陽李雲田迎侍兒掃鏡

我見猶憐更莫疑  
檢書調黛事全知  
只應不解銅鞮曲  
教唱蕭郎自作詞

病後修蛾不耐秋  
昵郎絮語動離憂  
兒家薄命羞金屋  
素帔焚香侍遠遊

汪懋麟

季冉蛟門  
江都人

蛟門天祿燃藜金門據地彈碁頌酒不減名輩風流  
常于清明日集諸名士送朱十錫鬯之揚州云今年  
二月已春分白袷單衣暖氣曛欲唱渭城誰進酒綠  
揚樓外見紅裙又云揚州勝事滿林臯此去猶能賞  
碧桃無數畫簾鉤落日一湖春水漾輕篙  
情致妮人論者以爲酷似微之牧之也

柳敬亭說書行

田巴旣沒蒯通死陸賈酈生呼不起後人口吃舌復僵雄  
辨誰能矜爪嘴吳陵有老年八十白髮數莖而已矣兩眼  
未暗耳未聾猶見搖唇利牙齒小時抵掌公相前談奇說  
鬼皆虛爾開端抵死要驚人聽者如癡雜悲喜盛名一時  
走南北敬亭其字柳其氏英雄盜賊傳最神形模出處真  
奇詭耳邊恍聞金鐵聲舞槊橫戈疾如矢擊節據案時一  
呼霹靂迸裂空山裏激昂慷慨更周緻文章彷彿龍門史  
老夫流落江淮間後來談者皆糠粃朱門十過九爲墟開  
元清淚如鉛水長安客舍忽相見龍鍾一老胡來此剪燈

爲我說齊諧壯如擊筑歌燕市君不見原嘗春陵不可作  
當日紛紛誇養士鷄鳴狗盜稱上客玳瑁爲簪珠作履此  
老若生戰國時游談任俠羞堪比如今五侯亦豪侈黃金  
如山羅錦綺爾有此舌足致之況復世人皆用耳但得飽  
食歸故鄉柳平柳平譚可止

芝麓宗伯贈說書柳叟沁園春一闋云驃騎將軍異  
姓諸侯功名壯哉乍南樓傳箭大航風鶴中流搖櫓  
溢浦蒿萊片語回嗔干金逃賞遮客長刀玩弄來堪  
隣處有恩門一涕青史難埋偶然坐上嘲談博黃絹  
新詞七步才似籌兵北府碧油晨啟把碁東閣展齒  
宵陪春水方生吾當速去老子遨遊頗見哀相攜手  
儘山川六代簫鼓千杯公自注云  
記左寧南與范文貞何文端事也

本事詩後集

卷十一

六邵武徐氏刊

閨詞爲姬人作

按姬越人蛟門病中納姬長安邸舍一時羣公  
都賦賀新涼詞一名金縷曲西吳徐倬方虎云  
百合香鬢卷趁涼天綠珠迎至翔風輕遣夜靜  
鉦車噴響處偏是歡多成泣可喜殺雙蛾同繭  
若把瓊花來比樣鏡湖春豈似揚州淺蓮蒂並  
藕絲展文園病渴今方顯故妝成溫柔鄉裏來  
尋和扁絳蠟臺前呼小字不道新郎是犬紅豆  
曲相思纔免騎省才人簪筆慣有雙螺畫筆須  
君典溪上約臂紗剪新城王士祿西樵云蘭幌  
燈前卷便相如愁盈四壁一時齊遣始信明眸  
眞善睐暗瞬秋波似泣早打疊鸞衾如繭扣扣  
繫欽情乍定道琴心眉語都來淺雙影好玉臺  
展三生石上精魂顯好摩娑藍橋贈盒玉圓犀  
扇得近佳人偏鄭重不惜烏籠是犬縱病渴誰  
能求免從此比肩形影似奉鴛鴦繡譜同經典  
紅綬帶肯輕剪梁園周在浚雪客云繡幙朱帷

卷羨才郎茂陵病渴蛾眉聊遣百兩爭看迎碧  
玉淚滴晶壺紅泣堆錦被並頭藏繭千里誰期  
燕與越羨赤繩繫就緣非淺月下老書頻展雙  
棲璫珣雕梁顯最消魂流蘇微動黃金釧福阿  
母相依攜小妹從嫁何勞牽犬花底活春風笑  
免好語竹西人莫怨怕短轅長柄難爲興心已  
醉愁須剪陽羨陳維岳緯雲云繡被濃香卷戟  
門前侵晨客到當關須遣鏡底催妝吟麗句綠  
筆江郎花泣稱好寫佳箋名繭十五有餘年紀  
是似柳梢二月黃初淺豈惹熟櫻桃展舍人通  
籍金門顯擁如君臣冠橫掛珊瑚簪漏蓮丁  
爐獸熱睡著雪狸烏大料天上魂消不免入  
直公餘休澣暇賜口脂面  
藥誇恩典裙帶樣看裁剪

初試輕衫四月天曉來臨鏡喚郎前小時只愛花枝好爲

看新梳髻影偏



貪繡鴛鴦錦翼舒  
卻呼侍女去烹魚  
日長儘有閒針線  
消得郎君一寸書

紅燭高燒倒玉瓶  
繡牀斜倚影亭亭  
道郎吟句如絃管  
自擊文犀徹夜聽

夜聞鄰女琵琶

京邸記事

瑩瑩素月光含煙  
羅幃風動愁不眠  
忽聽纖歌撥銀甲  
美人夜弄鴟鷂絃  
我有錦瑟久寂寞  
朱絲塵網金鈿落  
此夕聲疑碧玉歌  
隔花淚斷眞珠索  
寄語美人且勿彈  
彈之如對關山難  
安得解衣滅紅燭  
空惜雲鬢風霧寒

寶應陶徵季深有過蛟門寓齋聞鄰女琵琶聲曲云  
長安月明清漏遲庭中素影流參差廣陵詞客不肯  
寐正憶落花腸斷時何人新聲若有怨一曲初彈百  
鶯囀尋聲猶隔短牆東悵此蛾眉不相見自是遙憐  
宋玉才故煩纖指寄絃哀知君  
今夜夢難覓誰是巫山雲雨臺

還珠曲

爲韓女作

誰言碧玉小家女自顧傾城心獨許對鏡妝成香坐薰  
臨風舞罷衣輕舉生小嬌憨花下居高鬟一尺盤龍梳問年  
四五頗不足自言二九纔有餘卻恨春風破瓜早卓孌  
憔悴衣裳縞一曲初彈鳳與凰相如先爲情顛倒豈意盈盈  
秋水長朱絲難繫雙鴛鴦還我明珠淚沾臆竚立門前空

斷腸

秦淮燈船歌

乙卯五月

秦淮五月水氣薄榴花乍紅柳花落新荷半舒菡萏長對  
面人家卷簾幕晚來列炬何喧闐鼓吹中流一時作火龍  
一道燈船來衆響嘈嘈判清濁一人撾鼓揚雙槳宮聲坎  
坎兩虎搏一人按拍秉樂句裂帛時聞墜秋籜一人小擊  
雲鑼清彷彿湘娥曳珠絡橫笛短簫兼玉笙蘆管嗚嗚似  
南籥兩旁列坐八九人急羽繁商不相若或澁如調素女  
絃或溜如嘯早春鵲或緩如咽松下泉或激如挑戰場稍

有時回帆作數弄月白沙明叫饑鶴六船盤旋繫一纜萬  
點琉璃光灼灼牛渚燃犀羣怪驚昆明習戰老魚躍衆人  
互奏時一呼如聽宮中上元樂吁嗟此聲何自來萬歷年  
閒逞歡謔中山開平盛甲第富貴燠天陵衛霍謝公巷口  
閒畫樓江令宅旁起朱閣傳聞宴客端陽前妙舞清歌進  
金鑿青溪之南桃葉東院裏名娼好梳掠一笑眞欲三年  
留倒心迴腸愛睂角珠玉如泥買歌笑酒肉成山委谿壑  
流傳直到南渡時萬事荒淫付杯杓作賦尙留才子名盤  
遊苦恨宰臣惡此時燈船知最奇此時兵戈已交錯天心

殺運不可回三十年來莽蕭索余年童穉不及逢白頭老人說如昨今年來遊恍夢寐烽火暗天渾不覺紛紛蕩子登酒船岸岸河房動芳酌此地有湖名莫愁我欲言愁恐驚愕世人忽忽無遠憂悲歌拔劍地空斫嗟我旅人行且歸醉眼迷離石城腳

毛

牲

大可又字子一名奇齡號河右蕭山人

大可歌詞纖靡淫佚上駕徐庾下掩溫李會稽姜垓當樓美序曰河右詩詞一本三百篇故溫麗其體而精深其旨若其語則工妙備矣他如陌上侍中朝鮮計吏宜城採桑之篇極浦賣珠之詠此固純標自然不假雕繪者至若戶網枯蟲枕聲停釧訝霜明爲光驚星落之夜水孤居鍵戶祇對牕銀隔舍聞歌

裁宮錦吹簫苦朱脣之落夢歡愁絳臂之銷幽巖春  
竹冷公子屏前夜雨採蘋歸女墳湖上則或填足如  
鉤斷簾垂露夜坐燈前惜後裾之成褶朝來沐罷擘  
前衫而自思腰閒慵結帶時作縈迴鏡裏喜看花暗  
相轉側屏外閒情漫調堦語夢中秘事難與  
婢言此真靡曼之瑋詞夫豈纖庸之佚調

和載花船詩

渭南令張萬青納姬青谿姬病屬女弟以迎將  
望舟來而暝日令爲之神傷作載花船篇闕里  
孔孝廉示予并屬和章

勸君莫唱楊柳枝楊花飄落無還期勸君莫上桃葉渡桃  
葉無根又無樹君游渭陽值春月遙望江南柳如雪誰家

城角種石榴不見平船住花葉白楊深巷野鴉曙十字南  
頭小樊素門前脂石解竿行花插文魚駕船去鬱金香汗  
染絳雲瓦棺玉樹埋紅裙綠珠井上冰初結紫玉湖邊日  
漸曛昭陽女弟死相屬眼見花閒繞銀燭鸞絃旣絕難再  
牽幸有蠻絲細能續漳河銅雀飛復飛大姨旣嫁娶小姨  
只今張君作新婿清江重載花船歸我行江南望江路舊  
日煙花在何處西陵松柏風雨來但見青驄繫江樹涼秋  
月沒星替時李義山詩月沒教星替珠房多劈秋蓮枝君能載花對  
花語道予曾和花船詩

羅三行

羅三百駢杭州教歌頭歌絕倫甲午集紹興東  
昌坊羅三率變童十六人按歌酒酣執酒起爲  
壽慷慨言曰羅三非優人盍贈我長句使人知  
羅三苦沈淪也姓唯唯乙未復集紹興九曲里  
祁兵憲第諸伎畢奏羅三復引聲乃悲懷激揚  
顧笙笛絃索均失執歌竟爲言寧得憶贈句乎  
姓時頗失意聞其言感動驟起援筆丐兵憲展  
絹憶唐元和白居易與元稹作霓裳譜歌惟恐



湮失歌句中且藏譜數猶可按切影響今亦略  
溯緣要便可尋按故益多曼吟爾

周秦以後古歌絕漢代延年尙能說逡巡魏晉中再亡杜  
夔左驥徒猖狂開元神武興法曲高頭教坊譜相續華原  
驟國襍塞胡立部聲喧坐歌促金元起創鬬舞辭因之變  
伎歌參差九宮分譜限南北一十九韻音調微明興一代  
本無樂胡吹番謳苦交錯優伶鬬弄習轉深南曲浸繁北  
浸落相傳南曲始吳下梧院風流宛如乍吳儂創調絜古  
歌翻出新聲美無價當年絕唱稱崑山松常折噪浙齒頑

張芸朱美魏亮父至今嗣續猶艱難杭州羅三重意氣誓  
欲葺原奪高第攝聰絕慧通鬼神一雪從來品題異依聲  
按律節奏奇宮商相接還相離涵融便捷鶯語澁急決噉  
噉鶻鳴遲聲沿板守寸爲逗韻七字三前與後新生故死  
黍粒分迫度緩稽肌理轉一聲將發坐客定數變將終動  
神性流離遷客涕淚傾窈窕新孃怨思迸擲筆摘阮徒自  
豪吹師失管絃工逃吳中譚如井張燕到此不敢爭鳴號  
譚如卿張燕筑數人著聲吳中東昌坊頭合歌板首坐毛甡泣河滿哀吟  
失職貧士情那問中趨共前緩羅三歌罷爲起立琥珀杯

紅向牲揖羅三不是尋常人恥作當年李協律生平好酒  
名酒徒結交滿座皆屠酤上之不屈古王者其下詎嫌今  
大夫千金散盡獨長嘯故作歌吟襍啼噪變童十輩蒲伏  
前不足當余日調笑毛公落筆能有神悲能寫哭怒寫嘖  
貌予令予使不朽至今予作忘言人昔年聽歌及寒食桃  
花落盡紅梨濕歌來倏忽又一年今日聽歌如昨日今歌  
既懽且復苦坐者停聲立停舞寒蟬數弄咽柳條孤鴈一  
聲墮江浦洞庭秋風剛葉下去春在畫今在夜霜繁露白  
月欹明竹斷絃弛鼓初罷宛如花底摘生葉少婦繚絲自

成節嚴鋼鏃處銀鐐涼冰甕開時水晶裂又如石齒決金  
薤剗核吹蘆擘風籟屏高燭短坐嘆愁昔日梨園近何在  
蹉跎相失淹歲月非我能忘棄前說我亦沈淪年又年顛  
顛相看總離別東昌坊裏九曲園高車駟馬填前軒聽歌  
滿堂勿相問此中惟見毛娃冤毛娃沈淪本無極那復羅  
三又失職羅三當復歌此歌莫道聲繁歌不得

寄寇白門

莫愁艇子載琵琶慢向青溪摘藕花舊日侯門君記否廣  
陵城下邵平家

留淮西金使君郡樓三年晨夕多陽陵西巴之音

大雪晚宴牲爲絕句贈伎人順郎

順郎十四學琵琶十五新聲遍海涯家在九龍山下住生  
來洗面是桃花

卽事 有敘

宿寶家瀆賣漿婦連連目予問之曰非毛氏小  
郎乎曰何以知之曰妾故保定伯家婢也向屯  
西陵渡時主嘗饜郎郎不解食生炙臠索脰淘  
之妾以笑被杖寧能忘乎予聞之憮然因就飲

解橐中金餉之去伯籍北平毛氏同姓故嘗食  
其營大兵下江東全軍歸降爲提督京營標官  
守京城西門家遂散失婦善擘阮汾州人

錦帳雙鬟貌似花河陽軍散各天涯可憐紅字三家店不  
賣青門五色瓜

明河篇

有序

毛牲游淮陰查繼佐孝廉竝轡過張吏部曲江  
園觀百戲時秋八月十四日江南北名士十百  
來集水亭當湖樓臺館舍刺史諸王軍府伎樂

畢出驚見妙幻目不及瞬自曙起烏啼迨夜漏  
盡日初出兩竿迭呈絕藝如灌河接魚勿得已  
矣絲竹綺羅霏微幼眇自傷淪落未易遽此盛  
會樂極哀生易于感慨又當煙竿熱層累遞上  
狀城郭宮宇人物狗馬簾幃釭幃士女觀者填  
塞渚港亦有簫管燈紗相閒映水煙模糊奉觴  
女郎從煙霏中載它舟去亦又淒已蹢躅者閭  
生搗箏王生有清歌絕妙錫山朱生吳門孫生  
皆一時絕技擅場幸一遘觀明當散去聊從諸

君後賦詩三篇一樂府一律一此題也時賦詩者十之二姓與張公子祁煒詩先成人誦之劉漢中贈姓詩曰詞人罷唱曲江樓王孫晉曰賦傳明月夜詩動曲江樓張慕曾曰今來同上曲江樓崔顥題詩衆莫酬餘載東山釣史集中查璜號東山釣史時西河詩成一時好事者爭相傳寫施愚山先生曰繁絲襍吹靡靡傷情若大可者眞是才子

明河潔潔秋夜長草頭露白生微霜淮陰客子感秋節愁坐各言衣帶涼東山釣史臥淮浦私喜涼秋及三五蹈海



誰牽八月槎臨淮須伐三洲鼓三洲鐘鼓淮水濱八月乘  
槎好問津邀得汀南流浪子迎將河朔冶游人江南河朔  
兩相望河水星光兩搖漾西園冠蓋翔綠池東第笙簫啟  
華帳張家舊院倚水陂珠湖千頃漾琉璃紅橋碧柳通油  
幕叢臺複樹繞金羈緋紗籠蠟安花裏綵幔懸毬似霞舉  
漢代明王久愛山曲江吏部今開墅初開湖墅接湖蓼重  
起煙樓布煙燎將立星竿火樹枝將貯三硝五花爆懸竿  
貯爆俟斜日列艇分燈晝如漆但留幻舞到庭看待駕明  
河泛槎出斯時濯燕稱最輕此際投竿舊有名絙懸傀儡

戲東郭鉤藏神祕來西京誰翻竹簡弄漁史誰聽皮靴拂  
絃子巾角彈碁四座驚花門蹋鞠三郎喜別有秦箏老朔  
客曼節長吟變促拍何事哀彈塞上聲使予翻動江南情  
江南一望欲起舞前亭又打閨門鼓內部新分刺史家明  
童盡出諸王府晚風乍起煙滿湖月輪推湧湖中珠明雲  
薄霧繞河漢蘭橈畫漿環菰蘆燈前紫幔開杯罌水面紅  
妝照綺疏紅妝紫幔兩相映水面燈前看不定明河將月  
蕩爲煙皓月連湖瀉成鏡明河皓月乍流沒彷彿天星墮  
天末吹將星籥燎花生看到煙樓火竿發煙樓星籥繞槎

轉甲燭鱗缸散珠遠祇因畫舫隔煙多翻使紅龍踏波緩  
香燼銀葉炭迸添箭下銅盆滴將滿別浦還營曼衍場重  
城已下葳蕤管大舸小艇歸不歸霜寒月白煙霏霏吳謳  
越唱本超絕靜對流波一聲徹繞屋驚翻桂樹烏滿船涼  
浸冰壺月只有傷心小樊素看繫榴裙坐花路不識初從  
何處來幡然忽入煙中去明河垂垂露華澁良會何時再  
能得賦就明河夜未闌皦皦東方又將白

雨中聽三絃子適女士王玉映將之吳下過宿蕭

城西河里因作長句書感卻示

汝不聞三絃聲最悲  
啁嚶嘶軋誰所爲  
天心雨落風迸裂

坐客一時雙淚垂  
三絃初開彷彿鼓  
萬歷年來重張甫

張甫

張聘甫也父少塘祖野塘俱以三絃傳

曹剛不作甫不傳  
何處新聲到江滸

當前撥拉如訴說  
淙淙嘈嘈漸相接  
絃聲復襍風雨聲拍

散音繁語鳴咽  
江東女士當代希  
會稽王氏留烏衣  
著書

不讓漢時史織素  
自憐機上詩清暉  
閣中父書在綵筆  
長

濡舊螺黛吟成紅  
雨滴口脂行得青  
藤繞裙帶

王季重有清暉閣後

王映徙居徐文長書屋著吟紅集

風流遺世姿獨殊  
將從秦氏聽啼烏

朝行賣珠暮無粟  
天寒袖薄涼肌膚  
可憐兵革滿衢路  
欲

本事詩

後集

卷十一

七

邵武徐氏刊

望西陵過江去崎嶇宛轉進退難祇恐行來且多誤昨宵  
行李深巷宿聞汝空奩脫車軸今朝寂歷風雨來令我停  
絃撫心曲梧宮木落愁復愁女墳湖畔今難留君行渺欲  
向何所長江浩浩還東流蛾眉掩抑自今古況復哀彈最  
淒楚今朝自雨昨自晴不盡三絃此中苦從來出處難復  
難願君絃絕勿再彈

楊將軍美人試馬請賦

將軍航頭載美人春行晚泊橫江濱斜陽墮地草場濶酒  
酣欲試紅麒麟美人常服雙袴褶青錦鴉欄紫絲結蟬影

當風捲似雲馬毛散汗吹如血金錢壓日玉裊膚馬前細  
立秦羅敷見人羞上還將墮壯士驚前不敢扶調鞍整轡  
坐不定忽見桃花滿春徑將軍似妬九華鸚在旁休視雙  
金鐙明霞片片爭繞林紅旂落處桃花深回頭失卻真珠  
櫟春草蒼茫何處尋

姚子莊

六康歸善人

清風詞贈歌者

伊人遙夜嘆露寒秋氣滋歸舟無定計只遣清風知

王

揆

端士芝廬太倉人

芝廬渡江訪阮亭于揚州爲絕句數十首與酣歌唱  
不減旗亭王昊惟夏云騎鶴腰纏未必兼羸他才藻  
比江淹瓊花浪自誇仙種敢與詞人鬪筆尖王曜升  
次谷云莫話雷塘一段愁錦帆風月已千秋知君更  
有傷心處芳草斜陽懶上樓

廣陵贈歌者

覆額青絲白雪身櫻桃宛轉度歌新傾城不獨歸紅粉薄  
醉樽前爲玉人

才看何家傅粉郎忽疑神女下高唐銷魂最是三更後不

作閨妝作道妝

時演玉簪

汪楫

舟次揚州人司教  
賴榆有山間集

周逸僧納白門董姬戲贈

金屋何曾少阿嬌佳人又見董嬌嬈周郎漫道渾閒事江  
左風流只二喬

女羅篇爲冒巢民蔡姬賦

姬善畫花  
卉翎毛

蔡家有女嬌如何春柳濯濯垂清波有客稱之曰名士贈

以小字曰女羅

杜茶村謂女與羅含  
同名爲作字說云云

女羅牽絲正春晝紅

雨飄香催豆蔻儀部分將綵仗迎使君競把雲璈奏休誇  
董祀得文姬共說周門來絡秀盃池水暖宿鴛鴦摘得霜  
毫倚繡牀草木無情遭刻畫翎毛脫手侍飛揚如椽大筆



移松柏一丈生綃下鳳凰借問芳年今有幾弱腕縱橫能  
爾爾烏衣年少嘆無雙白髮畫師嗟莫比記得嫁時過十  
七十二年來如昨日長齋莫不愛逃禪設悅最宜逢浴佛  
我無錦繡段又無金琅玕何以致殷勤請歌女羅篇歌女  
羅望瓊玖留賓不用麻姑酒顧我四壁少輝光報之願出  
纖纖手

余

懷

澹心蒲  
山人

澹心留寓南中徵歌選曲儼如少俊故梅村贈言有  
石子岡頭聞奏伎瓦官閣下看盤馬之句過江風流  
應復推爲領袖

贈小姬陳掌珠

生平能得幾銷魂到此方知有淚痕乍見藐姑來白晝忽  
疑神女佇黃昏最憐冰雪聰明淨猶喜閨房性格存老我  
是鄉羸薄倖春風搜出小柴門

李笠翁招飲出家姬演新劇卽席分賦

釧動花飛素口開狂言忽發紫雲迴湘簾直下風吹起舞  
出山香薛夜來

曲子相公今信李記歌孃子又逢張江南紅豆花開後一  
串珍珠壓酒腸

本事詩  
紅紅好好又真真不數思王賦洛神錦瑟玉笙供奉曲果  
然燕趙有佳人

自斷此生休問天蹉跎富貴與神仙可憐驚破霓裳舞落  
在人間五百年

街城洞裏玉清歸結綺樓前試舞衣誰擘箏篴誰擷管行  
雲遏住繞梁飛

玲瓏綽約點春波顧影薰香寫翠蛾借問當年李天下後  
宮曾有鏡新磨

彈罷燒槽淚滿襟傷心無限夕陽深人生合作逢場戲頭

白周郎何處尋

雕梁語燕各雙雙  
天鳥啼春醉綠牕  
無賴汝南催不去  
好留殘角對銀缸

附  
尤悔菴和詩

樊川重遇綺筵開  
無計驚他紅粉迴  
虧殺花奴十棒鼓  
翠盤賺出玉奴來

侍兒垂手歌三疊  
坐客纏頭紙半張  
喜極翻成懊惱曲  
相看白地斷人腸

金闕西廂降玉真  
非雲非雨望針神  
可憐今夜蓮花燭

九言  
三  
炤見巫山夢裏人

飛瓊萼綠住瑤天  
走向人間伴謫仙  
吾輩旗亭暫傾倒  
傷心絲竹在中年

樓頭更鼓慢催歸  
簾內初更金縷衣  
緩坐不愁歌舞散  
輕魂長逐彩雲飛

偷聲減字弄迴波  
剛剩工夫掃翠蛾  
更說東君修豔史  
隄糜常倩遠山磨

刻燭同題漢上襟  
奈何頻喚此情深  
明朝便隔天台路  
墜珥遺簪那處尋

楊柳櫻桃各一雙音聲小部闌紅窗未傾鑿落心先醉

辜負臨邛賣酒缸

按笠翁名漁錢塘人能爲唐人小說兼以金元詞曲  
擅名所至攜小鬟唱歌吳梅村贈詩云家近西陵住  
薛蘿十郎才調歲蹉跎江湖笑傲誇齊贅雲雨荒唐  
憶楚娥海外九州書志怪坐中三疊舞迴波前身合  
是玄真子一笠滄浪自放歌尤悔菴又云十郎才調  
福無雙雙燕雙鶯話小窗送客留髣髴休滅燭要看花  
睡炤銀缸于是北里南曲  
中無不知有李十郎者

王

隼

蒲衣嶺南人

西溪小姑曲

并序

吳妓柳絲色旣傾國伎善箜篌十五歸太原李

公子閱月公子楚游與其姨鮑四孃僦居西溪  
已日湔裙水上余驚見之未幾避兵石頭爲賊  
所得投井而死因作西溪小姑曲以弔之并貽  
好事者和焉

桃花水漾紅闌春秦桑燕草絲裊人長眉搖曳飛霞裙天  
女江妃騎綵雲綾扇喚風香滿滿雌鳳銜花刺純綫當年  
買笑輕黃金水精盤內纖腰轉李郎結網罟珊瑚龍姑戲  
擲驪龍珠紫絲步障圍金谷琥珀香濃縹粉壺青青柳傍  
章臺路白袷裁成寄郎去箜篌絃斷菰草春月暗西溪曠

鶻語風裳水佩雲爲車石井魂歸逗秋語

曹

禾

頌嘉幾嶺  
江陰人

汧蛟門花燭詞

春風紅袖太輕盈坐倚仙郎萬種情賓客不歸人欲睡侍

兒呼酒醉狂生

黎士弘

魏曾長  
汀人

續周櫟園先生海上夢亡姬詩

殘香吹入夢無端何自驅車到海瀾踏盡波聲魂影濕四

簷山色照君寒



相尋不待夜燈紅拍手欣逢破大風  
白晝樓船來去快魂猶辛苦認軍中

丁

煒雁水溫陵人

長安燈夕

夜深女伴各相邀走到前門百病消  
爲喜釘兒潛觸手還

家忘卻路途遙

元夕夜遊曰走百病模前門門釘曰宜男燕舊俗也

吳之振

孟舉石門人

蛟門納越姬戲作絕句調之

斜軀金釵蹙鵝鴝額黃輕染蘸飛霞  
鏡湖春色能多少壓

倒揚州樹樹花

冒丹書

青若如  
臯人

松陵周羽步以吳蕊仙畫梅扇寄余內人代賦一

絕答之

婦人集曰周羽步名瓊一字飛卿詩才清俊居如臯冒先生深翠山房八閱月

吟咏頗多如贈范洛仙云黯淡銷魂獨倚樓登山臨水又逢秋簷前垂柳絲千尺只繫柔腸不繫舟又云蕭騷越客獨淹留汗漫西風柳岸秋安得東風解我意好吹此恨到揚州極似唐人絕句吳蕊仙名琪才情新婉與飛卿著有比玉新聲集

紅箋酬唱女相如蘭若青燈讀道書卻寄白紵明月底梅  
花不信隴頭無

倪

燦

關公上人

秦淮

蘇孌一曲恨全消雲作衣裳柳作腰而今明月空如水不見青溪舊板橋

蔡方炳

九霞息關長洲人

旗亭觀劇

翠管清笙出鳳城霓裳一曲已教成而今不數黃幡綽祇許旗亭唱太平

梨園新譜浣溪沙才子乘春翫物華不用周郎筵上顧延

平端是舊名家

頃刻分身判樂憂聞歌宜笑復宜愁從來離合多成幻大地何人不是僂

喬

萊石林  
寶應人

舟中贈歌者

桃花春漲木蘭舟夾岸垂楊水自流一曲新聲翻淥水東風吹雨過揚州

本事詩後集卷十一終

本事詩

後集

卷十一

五邵武徐氏刊

本事詩後集目錄

卷十二

陳維崧

劉體仁

吳兆騫

張梯

屈大均

梁佩蘭

田茂遇

姜宸英

宗元鼎

葉舒穎

彭椅

崔從

俞泰

王典

王頊齡

李良年

陸進

葉舒崇

吳雯

吳鏘

吳藹

周在浚

王暉

林麟煥

潘江

羅世珍

王又旦

方象瑛

吳樞

江闔

本事詩卷十二

後集

吳江徐 鈞電發編輯

邵武徐 榦小勿校刊

陳維崧

其年宜興人

其年尊前酒邊之作別具一種柔情涼思悵悵纏綿  
令讀者魂銷欲死嘗客雒陽於水繪園主人家呢一  
歌童題詩寫照墨瀋淋漓故西樵王司勳曰夢殘酒  
醒苦相思祇向丹青想見之別日當筵難一索訝君  
狂減杜分司敝席相憐一片心玉簫別去響沈沈不  
須重倩繁休伯紙上殷勤寫妙音論者以爲平原高  
誼杜牧癡情傳之本事  
詩中應作千秋佳話也

徐郎曲

本事詩

後集

卷十二

邵武徐氏刊

徐郎名紫雲廣陵人冒巢民家青童儼巧善歌  
與其年狎嘗畫雲郎小像遍索題句新城王阮  
亭云黃金屈膝玉交盃坐燼銀荷葉上灰法曲  
自從天上得人閒那識紫雲迴武進陳賡明云  
憶脫春衫花底眠新聲愛殺李延年只今展卷  
人猶在何處相看不可憐長洲尤悔菴云西園  
公子綺筵開壁月瓊枝夜夜來小部音聲誰第  
一玉簫先奏紫雲迴又云陽羨書生驚坐時誦  
君佳句紫雲知何當乞汝紅牙板唱取髯公赤  
壁詞揚州宗定九云一曲新歌水繪間冒家阿  
紫似雙鬟因思昔日彭陽事錦瑟曾令侍義山  
吳江吳弘人云挑燈愛讀徐郎曲彷彿高歌繞  
華屋初展生綃識玉人迢迢  
千里春波綠好事者多傳之

江淮國工亦何限徐郎十五天下奇一聲兩聲秋鴈叫千  
縷萬縷春蠶絲滌除胸臆忽然妙檢點腰身無不爲高才



打曲驚莫敵細心入破眞我師徐郎醉汝一杯酒汝醉還  
能作歌否請爲江南曲一唱江南春江南可憐復可憶就  
中僕是江南人憶昔江南夜三五謝家兒郎健如虎結髮  
平翻烏角鹽當窗濫作善才舞此日當歌便瘦生此時善  
舞便相迎知音自是緣門第識曲由來擅姓名十里倡樓  
留更住三更街鼓得人情霍王小玉家家瑟楊氏諸姨部  
部等二十年來事沾臆南園北館生荆棘崔九堂前只獨  
憐奉誠園內無相識琵琶斜抱恰當胸細說關山恨幾重  
南曲不傳張伯起北宮誰數沈君庸霜天禿髮那堪摘寒

夜單衫只自縫暗裏漫尋前度曲人前不認舊時容誰知  
老人不自得卻向徐郎敘疇昔疇昔煙花不可親徐郎一  
曲好橫陳干卿何事馮延巳錯認悲涼感路人歌罷誰人  
擊鼙鼓十萬銀燈落如雨前輩徐郎慎勿輕君不見陳九  
白頭渾脫舞

按陳九徐郎教師也其年有滿江紅一闕云鐵笛銅  
箏還記得白頭陳九曾消受妓堂絲竹毬場化酒籍  
福無雙丞相客善才第一琵琶手嘆今朝寒食草青  
青人何有弱息在佳兒又玉山皎瓊枝秀喜門風不  
墜家聲依舊生子何須李亞子少年當學王曇首對  
君家兩世濕青衫吾衰醜蓋爲陳九兒題扇也又爲  
雲郎合巹賦賀新郎一闕云小酌醺醺釀喜今朝釵  
光簾影燈前晃漾隔著屏風喧笑語報道雀鵲初上

又悄把檀奴偷相撲。朔雌雄渾不辨。但臨風私取春  
司量送爾去。揭鴛帳。六年孤館相依傍。最難忘。紅氍  
枕畔。淚花輕颺了。爾一生花燭事。宛轉婦隨夫。唱努  
力做。藁砧模樣。只我羅衾渾似鐵。擁桃笙。難得紗窗  
亮。休爲我。再惆悵。

贈琵琶教師陸君揚

先皇全盛十七年。江東琵琶誰第一。礪城陸生最有名。高  
手能傳教坊術。是時間巷正繁華。柘館紅牆十萬家。玉鈴  
小閣春相逐。絳袖單衫夜自誇。斗帳輕紅花簾碧。明星小  
落鳴珂宅。酒酣漫撚鷓鴣絃。綠鬟弟子坐憐惜。紫衣明燭  
映屏風。入破橫吹曲。曲工粉項暗窺朱。戶底芳心半在玉。

笙中此聲田妃稱絕妙曲終屢得天顏笑戚里爭翻朔客  
辭金吾頗愛涼州調五侯七貴不須論生也聲華滿國門  
交成輦路貂蟬盛唱徹簾櫳花柳昏邇年淪落無不有猶  
抱琵琶不離手君不見中原夙推周憲王橋頭明月照金  
梁二八宮娥習絃索三千賓客諧宮商又不見關中康海  
金閨彥飄零卻傍桃花扇按拍能添倡女悲慘摑欲唾中  
涓而我今欲說心慨慷眼前世事都蒼茫陸生老大更鳴  
咽酒閒笑著黃皮褶鴛鴦湖上彈一聲紅袖青衫盡沾濕  
明孝宗時關中康海德涵落職家居侍郎楊廷儀過  
之留飲甚歡康自起彈琵琶勸酒楊言家兄在內閣

何不以尺書通康怒擲琵琶撞之追走曰吾豈效王  
維作伶人借琵琶討官做耶正其年所云摻摺欲唾  
中涓而也

贈歌者袁郎

袁郎十五餘生小愛絃索作人未入侯王門相逢便傾金  
鑿落憶昔當筵一再彈鵑絃鐵撥掃秋籊側身橫坐紅氍  
毹夜闌月轉飛烏鵲袁郎袁郎我具陳古來一物皆有神  
郎游聲伎非末藝況遇興亡必寫真琵琶音派出王府調  
雜金元頗淒苦嘉隆之間張野塘名屬中原第一部是時  
王峰魏良輔紅顏嬌好持門戶一從張老來婁東兩人相

本事詩  
四  
得說歌舞邇來萬事不足道何獨梨園嘆潦倒練川雅宗  
不復傳姑蘇子弟自言好袁郎玉貌世所佳何愁絃索聲  
不諧檀槽豈是尋常物要令豪傑開胸懷君不見潁川陳  
生嬾無匹老大青樓聽音律黃昏騎馬城北門萬騎千營  
吹鼙栗

崇川署中觀小史演劇

焚香瀾茗小簾櫳樺燭璫瑜相對紅半醉呂郎催羯鼓宮  
妝已出繡屏中

王郎年小好腰身吳子風姿儼洛神寒夜如年情似水相

看眞是畫中人

時演畫中人

銀虬聲永夜香遲惱亂樊川杜牧之欲倚文簫吹一曲不

知人意已迷離

玉人橋上憶清歌刺史筵前喚奈何他日揚州應有夢三

生惆悵爲情多

楓江漁父曰往歲僕客皖江程司馬署中寒夜觀劇亦賦絕句云銀箭銅壺夜漏傳微添鳳腦撥鵝絃玉山人意迷離甚可是樊川被酒年迴眸欲笑太憨生罷舞璫瑜紅燭明休把檀槽齊拍按江州司馬不勝情感慨淒涼調不同銀箏鐵板唱江東舊人縱有何哉在此地曾無南九宮繚亂聞愁易斷腸年來瘦盡沈東陽那堪此夜情如水卻忘飄零是異鄉淒涼掩抑自覺辛苦纏綿今讀陽羨諸作恂恍情移如置我

于成連  
海上矣

題小青飛燕圖

婁東崔不凋孝廉爲余紈扇上畫小青飛燕圖  
花曰小青開豔者有九一春燕斜飛其上題曰  
爲其年題九青小照後一日作意欲擬九青于  
飛燕也因題一絕以報孝廉

嫩色生香賦不成紅襟斜剪茜花輕一從圖入崔郎手流  
遍江南是小名

楓江漁父曰太倉崔華不凋有櫻桃軒集寫生點染  
彷彿徐熙黃荃僕嘗題不凋畫水仙云淡墨欹斜寫



水仙微微寒月籠輕煙櫻桃句好沾衣久丹粉生香  
更可憐汪鈍翁說鈴云不凋許墅別諸公有丹楓江  
冷人初去黃葉聲多酒不辭之句一時膾炙人口因  
有崔黃葉之號不凋出阮亭之門阮亭桐花詞妙絕  
長安競呼爲王桐花正不可無崔黃葉作高弟也又  
阮亭論詩絕句云溪水碧于前渡日桃花紅似去年  
時江南腸斷何人會只有  
崔郎七字詩其嘆賞如此

聽白生彈琵琶

落拓司勳有髩華飄零瘦沈客天涯那堪水碧山青日坐  
聽當筵穆護沙

玉熙宮外繚垣平盧女門前野草生一曲紅顏數行淚江

南祭酒不勝情

梅村琵琶行  
蓋爲生作也

本事詩

後集

卷十二

六邵武徐氏刊

賀老琵琶識者稀  
開元樂部事全非  
號姨已去寧王死  
流落江東一布衣

十載傷心夢不成  
五更回首路分明  
依稀寒食鞦韆院  
簾幙重重聽此聲

感慨淒涼復窈濛  
細如春夢疾如風  
少年漫把紅牙拍  
此是檀槽太史公

縱酒狂歌總絕倫  
曾將薄藝傲平津  
江南江北千餘里  
能說興亡是此人

醉抱琵琶訴舊游  
禿衿矯帽脫幘頭  
莫言此調關兒女  
十

載夷門解報仇

森森潯陽秋復春琵琶亭下事成陳因君今夜淒涼曲重  
憶元和白舍人

按其年又有摸魚兒一闕賦白生彈琵琶其自序云  
家善百自崇川來小飲冒巢民先生堂中聞白生壁  
雙亦在河下喜甚數使趣之須臾白生抱琵琶至撥  
絃按拍宛轉作陳隋數弄頓爾至致余也悲從中來  
併不自知其何以故也別後寒燈孤館雨聲蕭槭漫  
賦長短句時漏下已四鼓矣詞曰是誰家本師絕藝  
檀槽指得如許半灣邏迤無情物惹我傷今弔古君  
何苦君不見青衫已是人遲暮江東煙樹縱不聽琵  
琶也應難覓珠淚曾乾處淒然也恰是秋宵掩泣燈  
前一對兒女忽然涼瓦颿然飛千歲老狐人語渾無  
據君不見澄心結綺皆塵土兩家後主爲一兩  
三聲也曾聽得撇卻家山去詞載烏絲集中

同諸子夜坐巢民先生宅觀劇各賦絕句

欲翻新句詠迴波撈管沈吟喚奈何  
淡月輕煙猶易寫最難摹擬是清歌

少日魂銷湯義仍而今老去意如冰  
聽歌忽憶當年事月照中門第幾層

人當臨別歌偏妙曲爲言愁韻轉和  
正是客心淒斷處漫天絲雨不須多

左寧南與柳敬亭軍中說劒圖歌

寧南嘆喏大山師軍中百戲無不爲  
潯陽戰艦排千里夜

闕說劒孤軍裏虎頭瞑目盤當中其意自命爲奸雄說時  
帳前捲秋月說罷耳後生悲風軍中語秘聽者死寂不聞  
聲夜如水左坐一將軍右坐一辯士辯士者誰老無齒鰓  
顏摺脅醜且鄙得非齊荆通乃是柳麻子此翁滑稽真有  
神少年趨捷矜絕倫青春亡命盱眙市白髮埋名說事人  
寧南置酒軍中暇愛翁說劒真無價橫刀詎趣提湯烹洗  
足寧來踞牀罵飄零大樹蔓寒煙翁也追思一惘然西風  
設祭悲彭越夜雨傳神倩鄭虔感恩戀舊纏胸臆故國無  
家歸不得惡少侯王盡可憐三更燈火披圖泣

小素淮曲

絕代銷魂王阮亭六年旅舍爲君停昨來禪智河邊別雨  
打離帆一夜聽

劉體仁

公馘潁川人

悼亡姬束素

秋葉爲身落地輕初三夜月未分明非花非霧非來夢環  
臂何緣識再生

香聞桃葉駕輕舸共泥紅兒過畫橋犀導自敲歌一曲當  
筵明月潤新潮

江雨吹舟枕簟涼秋蘭同渡似三湘人閒選夢非容易莫  
揀蠻腰誤楚王

吳兆騫

漢槎吳江人

漢槎驚才絕艷數奇淪落萬里投荒驅車北上時嘗  
託名金陵女子王倩孃題詩驛壁以自寓哀怨云憶  
昔雕窗鎖玉人盤龍明鏡畫眉新如今流落關山道  
紅粉空嬌塞上春瓊帳沈沈夜氣寒滿庭霜月浸闌  
干明朝又向漁陽去白草黃雲馬上看情詞淒斷兩  
河三輔間多有和者故計改亭甫里詩云最是倩孃  
題壁句吳郎絕塞不勝情其西曹禠詩自敘曰望慈  
幃于天際白髮雙悲憶少婦于樓頭紅顏獨倚婉轉  
悲涼如聽銀  
箏之鳴咽矣

白頭宮女行

婦人集曰長安女尼妙音舊先帝時  
宮人也國破後出居民閒祝髮于北

城文殊菴與海昌相國居址切近常出入相國  
家譚宮中舊事及甲申三月事甚悉言十九日  
夜漏欲盡先帝遍召內人命其出宮避賊是時  
黃霧四塞對面不相見帝泣下沾襟六宮皆大  
哭又言宮中侍姬都以青紗護髮外施釵釧自  
遭喪亂香奩寶鈿悉爲人奪惟存青紗數幅猶  
昭陽舊物也

長安女尼妙音者本崇禎時舊宮人國破之後  
出居民閒嘗出入海寧相國家述甲申三月及  
宮中舊事甚悉今年戊戌予以謗議械繫都官  
而相國亦以他事下吏因與其嗣君直方子長  
相見酒酣耳熱爲言妙音予旣自傷讒枉復聞



妙音之事悲紅粉之漂零感羈人之淪落乃連綴其語作爲長歌以傳于樂府云

長安女冠頭似雪曳地黃繩懸百結手執金經淚暗垂云  
是前朝舊宮妾當年充選入披香倭墮新梳內殿妝低鬟  
自惜青蟲小繫臂愁看絳縷長先皇御極方清宴宮中屢  
啟催花醺雲母屏開見舞人水晶簾捲低歌扇歌舞年年  
樂事殊森沈寶幄挂流蘇北宮漫閱魚龍戲東絹頻臨蛺  
蝶圖圖史紛披閒珠翠深宮鎮日長無事鵲顧書從女史  
傳鸞雛釵向昭陽賜昭儀明豔獨承歡促坐金牀倚笑看

燈簇九微長侍輦妝成七寶自憑闌  
闌前羅綺紛成列阿監才人幾分別  
玉墀草細打毬高珠箔花深吹管徹景  
福宮前細柳垂瓊軒不閉其追隨繡  
鎧纏髮嬌試馬綠綈隱几倦彈碁春  
花秋月年華換掖庭寂寞腸堪斷素手  
繡書教小王紅顏對食憐同伴

漢宮中自相配  
偶謂爲對食

一從羽檄擾秦

川遂使官家少晏眠五夜刺閨頻報警  
三春合殿罷開筵幾載天顏慘不樂中  
宵獨坐占芒角砲火新開內教場詔書  
屢下文淵閣閣門封事日紛紛督府潼  
關復覆軍幾部黃巾殘楚豫千羣青犢  
下宣雲宣雲處處名城墮倒戈自

啟居庸鎖闕下交馳告急書殿前望斷平安火軍鋒倏忽  
逼神京一夜都人已數驚內苑左貂羣揖盜圍營飛騎半  
翻城城上弓刀爭內向倉黃無復蓬萊仗獨御金鞭視九  
門空殞鐵券封諸將白馬青袍捲地來君王長嘆下平臺  
日詔內人從避寇手持愛子共銜哀可憐十葉漢天子海  
竭山崩竟如此複壁寧教伏后藏佩刀自割清河死先后  
自刎  
珠傷玉碎滿曾城宮車無那赤龍迎猶有黃門曾殉主豈  
知紫闥竟屯兵自憐白首深宮住欲問家山渺歸路潛脫  
霓裳出九重卻尋月徑依雙樹一託香臺已十秋每談遺

事自生愁室中漫禮金仙席夢裏還隨玉輦遊惆悵生年  
遘陽九戒珠持遍甘衰朽天家龍種尙漂零賤妾蛾眉亦  
何有我來故國幾沾翰摩挲銅狄北風酸昭陽舊侍悲通  
德長樂姬人識佩蘭自古興亡堪太息淒涼何處尋遺跡  
麥秀偏傷過客情柘枝還下宮人泣

漢槎之徙塞外也書來言朝鮮使臣李節度雲龍以  
兵事至寧古屬製高麗王京賦遂草數千言以應其  
國頗以漢槎詩文爲重又自云彷彿班揚其狂態如  
故無錫顧貞觀梁汾寄漢槎詩曰萬里誰能憶三都  
只自傷聲名箕子國詞賦夜郎王淚盡臨關  
月心摧拂鏡霜李家兄妹好倘復惜班揚

張

梯

木弟山  
陰人

聞絃拍

嫋嫋秋風湖上亭數聲絃拍暗中聽分明不是開元譜卻

遣人思雷海青

屈大均

翁山一字騷餘番禺人

翁山少補番禺縣學生名紹隆遭亂棄去爲僧又字一靈中年返儒服有翁山詩外嘗登魯連臺賦詩云一笑無秦帝飄然向海東誰能排大難不屑計奇功古戍三秋鴈高臺萬木風從來天下士只在布衣中爲世所稱

大小憐歌

華陰伎

大小芙蓉總可憐青蓮今夕在誰邊東西南北皆蓮葉明

月中當玉井懸

素手相將入暮林上方樓閣月華深笑他楚調金陵子不  
解秦簫弄玉吟

湖口舟中口號贈內子華姜

大姑既有胭脂巷小姑亦有蛾眉洲今夕蘭橈與卿駐彭  
郎不得擅風流

湖水合將江水流與卿日日乘輕舟相憐一片鴛鴦水白

浪如山亦不愁

湖口江湖合流一  
清一濁名鴛鴦水

郭臯旭新納粵姬賦贈

鷓鴣元越客茉莉是蠻花南翳聊同妾西飛莫憶家蚌生  
珠子樹龍織海人紗自可成豪富無令金谷誇

贈墨西

有序

姬人姓陸生高要之布水村與端溪密邇予得  
之使朝夕在研之西磨墨供予揮灑故字之曰

墨西

香溪一片卽端溪采得姬人字墨西水玉朝朝磨削筭松  
煙日日染柔莢教成小楷書難就催作新詞唱未齊善品  
水巖諸甲乙青花白葉滿中閨

少小長齋繡佛前前身應是散花天毘邪一見全無日居士相依祇爲禪每乞研金書梵唄時教潑墨作雲煙爪痕多在曹娥帖紅染蠻花半鳳仙

布水村連墨研沙眞嚴得自女兒家蟾蜍滴滿三春露翡翠牀開六代花弄粉沾書成垢膩分朱點易出精華還將劒器增飛動草聖從今益自誇

贈香東

予得姬人陸女字曰墨西越數日復得東莞石氏女使司香而字之曰香東爲詩贈之



宣爐東畔暮還朝一氣窗閒拂絳綃生熟水沈憐血格陰  
陽火活恐煙焦莞中雖是香農女江畔難將玉珮要得侍  
維摩真大幸一生心字佛前燒

絲藤五色作熏籠日焙春衣廢女工熟結浣將茶小煖香  
魂煎取火微紅花開莫使雙煙近鶴降須教一縷通收拾  
餘芬歸兩翅簷間么鳳與卿同

鎮日盈盈裴几邊裙裾出入有餘煙含辭已似黃馨吐取  
氣還將黑潤煎作配文人非豔福託胎香國本真仙心花  
意蕊開須早證取圓通鼻觀禪

攜姬人華姜遊華山

誰知玉井裏亦復有鴛鴦玉女洗頭罷蓮花無數香更憐  
毛女好於此素琴張風捲冰簾雪愁卿羅袂涼

龐祖如以張喬美人畫蘭見贈詩以答之

有序

友人龐祖如有張喬美人畫蘭一幅上有陳文  
忠公桐君所題詩詩曰谷風吹我襟起坐彈鳴  
琴難將公子意寫入美人心公嘗于南園五先  
生抗風軒集名流十有二人開社喬每侍公弄  
筆墨賦詩有送黎孝廉美周詩云春雨潮頭百

尺高錦帆那惜挂江臯輕輕燕子能相逐怕見  
西飛是伯勞又有李山人煙客詩云子夜徵歌  
特底忙奈何花月是愁觴春江千折牽遊舸若  
箇津頭柳線長又云香作飛塵玉作煙輕寒微  
月養愁天梅花本是江南弄一疊關山倍可憐  
皆清婉多風得詩人比興之旨喬旣工詩復美  
顏色歌舞妙絕一時故爲諸士大夫所愛每有  
讌集喬必與年二十有一病垂危彭孟陽文學  
以數百金贖之附於千金市駿骨之義喬竟不

起孟陽葬之白雲山麓梅花塲送者數百人下  
至緇黃人詩一章梅花一本以表之號曰花冢  
祖如嘗至其處以爲可與花田相頡頏云喬字  
二喬廣州人

自來忠潔者香草最情深況出佳人手芬馨直至今數莖  
纔作態一朵已生心尺幅風流在相貽愧所欽

梁佩蘭

藥亭南海人

贈妓

誰家才子命能當消受巫雲一朵香神女有時來蜀峽帝

妃終日泛衡湘生成慧舌調鸚鵡慣織金衣學鳳凰竝笑  
竝憐無不可芙蓉花發照橫塘

田茂遇

鬚淵華  
亭人

曹子閑納二姬戲贈

姮娥月窟此重開兩見霓裳仙子來春暮鶯花偏越水夜  
闌歌舞憶蘇臺雙飛蛺蝶風前起竝蒂芙蓉雨後栽此夕  
綺筵應有賦陳王八斗自奇才

姜宸英

西溟慈  
谿人

酒醒聞鄰姬絃索

江上寒多酒力輕夢中哀怨不分明誰彈出塞三翻曲家  
住防秋萬里城各自故人搖落恨何煩絃指別離聲衆山  
擊柝蕭蕭曙起步簷前細雨傾

宗元鼎

定九梅岑  
揚州人

定九別號小香居士傳巖先生之孫也晚居廣陵之  
東原蘭陵鄒許士祇謨謂其憔悴江濱杜戶高詠卜  
築新柳堂有竹軒梅屋數間中藏殘書百卷鉤簾迄  
午夜不息鴻妻驥子衡門蕭然鄒嘗贈以詩云六年  
五到廣陵城珍重宗資送客情江北江南無限恨花  
時細雨聽流鶯宗又自著賣花老人傳其略云賣花  
老人者不知何許人家住維揚瓊花觀後茅屋三間  
傍有小閣室中茗椀丹竈經案繩牀皆楚楚明潔柴  
門內方廣二畝以種花爲業家嘗有五色瓜云卽昔  
之邵平種也手藝草花數十種朝晨擔花向紅橋坐

賣遇文人墨客卽贈花換詩而歸或遇俗子購之必  
數倍其價得錢沽酒盡醉餘者卽散諸乞兒市人笑  
爲花癡嘗九日渡江經旬不歸人問之答曰吾訪故  
人殷七七于鐵甕城中耳袖中出杜鵑一枝鮮紅可  
愛所往來者有筆道人珏道人圍棋烹茗爲樂筆道  
人疑卽宋建炎中顏筆仙耳昔瓊花觀中有黃冠持  
畫一軸獻卽守字皆雲章鳥篆不可識使人矚之乃  
入觀後井中玉勾洞天深處相傳老人或爲童子或  
爲黃鶴千年於茲矣識者謂爲卽黃冠後身云時蕭  
靈曦晨爲之繪圖考功王西樵士祿題以詩云飲香  
浴露詞人筆小白長紅野圃春時餉一枝博新詠幽  
情兩屬灌園人又云何來筆墨關卿事不惜畦邊干  
錦叢多少清詞飽蟲蠹風流輸與賣花翁自是  
廣陵春遊者過紅橋一帶說賣花老人逸事矣

雪霽索橫波夫人畫芝麓奉常草書

曉氣重重透薄幃八牕深鎖日絲飛衛郎已盥芙蕖面小

玉應薰葢蔻衣遶屋寒梅花暗落一亭香雪客來稀奉常  
詞賦夫人畫好展冰綃對案揮

和卞玄文百柳園對雪卽看小韞妹學畫

玄文名夢珏吳

嚴子女金陵閨秀

懸思風雪際嬌怯應難支倚檻憐衣薄舉梅倩妹持茗香  
消旅況筆墨是心知無那園中絮飄如二月時

唐祖命納姬翠容戲作香奩詞

燕雲盤髮墜蜻蜓少小盧姬夢未醒不是侍兒催不起昨  
宵深夜舞娉婷



藕縷抽絲著處眞絲絲牽繞在郎身願將此夜金梭裏織  
作雙蓮並蒂人

友沂席上戲贈三郎

菱花不是等閒妝羞殺金釵十二行縱使延年歌一曲儂  
家也只道如常

席上贈翠英校書

風流此夕興逾豪剪燭狂吟贈薛濤纖腕柔酥含芍藥  
羅光徹豔葡萄舞翻翠幙鮪衣亂音疊紅雲鳳笛高爭奈  
座中腸已斷不須和淚撥燒槽

燒槽琵琶名

葉舒穎

學山吳江人

學山所輯瑣錄云戊戌春偶過嘉善有歌姬施碧蓉  
自石門來丰姿秀逸略識字而善諧謔一夕同人數  
輩醵飲于蔣氏園姬斜酒意取花名而寓禽蟲者客  
舉鳳仙金雀之類都無語而劇賞錢塘王子豹采之  
蝴蝶花及余舉杜鵑獨坐罰彼蓋不知杜鵑是禽名  
耳余欲置辨或謂爲煞風景乃引滿不辭于是薌澤  
微聞風生滿座小戶無不洪飲過夜半姬出素箋請  
客各贈一詩余因是日看演浣紗傳奇遂漫書絕句  
絕世佳人住若耶要傾人國出西家語兒溪上分明  
見還對春風自浣紗武塘毛子禪賓題云一雙紅萼  
帳重重獨立爭如施碧蓉眼見名花真解語銷魂不  
信只吳儂豹采詩則曰掃眉才子最天斜錄事誰容  
觥政譁啼殺杜鵑渾不聽獨憐蝴蝶是名花舉坐絕倒因罷酒云

憶小婢垂絲

密約誰憐是目成朝雲長向夢中行關心最怕春將去花  
發閒堦憶小名

秋晚過澄江感舊

當年曾記狹斜遊阿母將雛竝倚樓乍覺春寒添半臂恰  
扶午睡整搔頭青衫作客元宵夢紅豆傳歌子夜愁別後  
小鬟如舊否鬢絲禪榻不禁秋

楓涇卽事同元禮弟戲作

檀槽哀怨幾黃昏曲水平橋自掩門昨夜西風雙槳子卻  
拋桃葉載桃根

水剪雙眸弱不支風光細膩少人知鄂君又向舟中去繡  
被香濃好待誰

彭

椅爰琴漂  
陽人

舊院行爲閣再彭題姜姬畫蘭作

素箋小幅懸秋榭陣陣香風吹欲下誰移九畹一枝蘭年  
年花葉無凋謝竝頭花影不含顰幾葉蕭疎澹出塵襞染  
可憐傳妙手寫來煙雨卻如眞如眞小字姜爲氏風流應  
善長千里自書甲戌上元前爲贈翩翩蔡公子公子才華  
宗伯家南國徵歌遍狹邪

蔡爲鶴江  
宗伯子

雲閒莫生好詞藻坐

看點染紫莖花

姬自題云時莫生雲卿在坐更助筆墨之興

莫生蔡子百年後

如見幽蘭親寫就只今最恨石頭城多時芳草埋香繡我  
曾十度過秦淮無處頽廊覓斷釵何緣市上逢金盃空向  
毫端賦錦鞵笑儂家本金陵地不知舊院多遺事舊院歌  
樓三百春風月鶯花難盡記記得城南淮水旁善和坊對  
大功坊文德橋頭對南巷鷺峰寺側轉西廂西廂南巷皆  
香陌踏成滿路鵝脂跡青樓到處可停車朱戶誰家不留  
客客來江上盡王孫一望平康卽斷魂樹迴楊柳多縈馬  
花發枇杷故掩門門裏闌干十二曲兒家三五新妝束自

本事詩

後集

卷十二

三

邵武徐氏刊

言好女怡姓秦預料小名多字玉玉女朱孃未出來簾內  
嗔教阿母催昨日避人調錦瑟今晨聞客下梳臺便令卻  
扇歌宛轉微頰翻怪桃花淺藍尾酒傾燈下歡紅笙汗透  
宵分喘歌舞相尋暮復朝容易纏頭百萬銷方矜玉釧光  
同腕更索羅裙色稱腰當時紅板橋邊路絡繹香輿織煙  
霧只聽日日弄銀箏盡說家家擁錢樹錢樹移來金穴邊  
豪華巨賈與少年多邀狎客費杯罍又買新姬教管絃滿  
城笙管風吹散萬紫千紅齊爛熳最先一本鳳尾蘭紅錦  
千端還不換采蘭時上木蘭舟蓮花開後向西洲不論重

陽與寒食名流爭約共遨遊來游靈谷看梅早又踏雨花  
臺畔草烏龍潭上漿咿啞桃葉渡前歌懊惱懊惱于今奈

若何正嘉前事已多訛趙家供奉無人說武皇時趙燕如善音律徵入供

奉但說湘蘭勝跡多神廟時金陵院中以馬湘蘭爲第一湘蘭昔住青溪上

幾架吟詩樓自砌薛濤砌吟詩樓只有王生得入來描蘭寫竹常

相向湘蘭能詩善寫蘭竹與王百穀最善聞道王生媿不如才子江南盡曳

裾漫教白鳳誇詞客還向碧雞尋校書此時舊院眞繁盛

五侯七貴爭交聘每將上坐遜紅裙不許庸奴窺翠鏡北

里齊名趙彩姬趙今燕名彩姬與湘蘭同名後來朱鄭亦稱奇朱無瑕字泰玉

鄭安字無美皆  
爲當時名妓

象管鸞箏歌夜夜燕釵鳳帔舞時時便房

曲館常迷戀技巧兼呈心目眩或能撾鼓聲如雷或能投

壺光若電或能彈棋拂手巾或能操琴聽游鱗或能霹靂

自控矢或能蹴鞠不動塵更有吳門薛素素彈丸走馬翻

身顧

素素吳妓善彈丸走馬

于中絕技何者無尤競新詩吟柳絮詩

能柳絮畫能蘭濕霧輕煙墨瀋殘黃金買賦猶爲易紅葉

留題始信難舊院當年推領袖錦江莫出湘君右屈指姜

姬正竝時如眞豈在守眞後

姜名如眞馬名守眞

彩雲化去百年中

舊院樓臺綠已空忍教回首靡蕪逕莫結同心松柏叢西



陵松柏何從問巷改烏衣爲馬糞落花還聽鷓鴣啼橫塘  
久散鴛鴦陣非徒舊院最傷心火內離宮不可尋白髮亂  
餘亡故老翠鈿消後絕知音二十年來江上曲那堪玉樹  
今番續燕子斜陽晚自紅臺城荒草秋還綠我從舊院路  
傍過何曾髣髴遇陵波土花縱處沈釵股瓦蔓粘時拭黛  
螺院內于今惟菜圃翻看紙上留蘭譜一代美人香草魂  
可憐都被君收取蘭葉蘭花有幾莖爲君翻作舊院行忽  
教往恨成新恨應化無情作有情

崔

從

五竺眞定人  
有嘯谷草

贈妙音女冠移居

葉老山寒不改秋香塵翠幙舊秦樓朝朝聊對旃檀禮爲

祝蓮花許竝頭

王

典備五仁和人

聽徐生絃索

機刺絃清旅舍逢背燈就月響玲瓏誰知當日曹剛手卻

在徐郎衣袖中

俞

泰次寅仁和人

花間

亦有花間約黃鸝正好聲戲翻子夜曲偶作麗人行宛轉  
生微感纏綿出至誠風流慚杜牧空復說多情

王頊齡

顯士華  
亭人

悼伎桐月次錢葆芬韻

三春錦席醉良宵幾度和風拂翠翹午夜探鉤時竝玉華  
堂就月坐吹簫珮環冉冉雲初散花草年年恨不銷腸斷  
西陵秋雨後粉香零落思迢迢

李良年

武曾嘉  
興人

塞上嚴都尉署中觀女樂歌

時演石  
季倫事

南嶠何迢遙湯池復深阻涼颺旦暮吹五月凝殘暑我在  
長安正苦炎狂來策蹇覓村帘不知物候天涯改翻喜殊  
方勝事兼上谷將軍雅愛客堂中珠履尋常入百年黃閣  
數家風六載戎符試邊邑衙齋絲竹駐年華不列旌麾列  
絳紗神女先歸荆楚夢春風偏到洛陽家

春風郭冠  
軍家婢痛飲

連朝看不足紅牙按遍江南曲妙本新翻石季倫獨將佳  
麗傳金谷憶昔明珠換綠珠徵歌買笑古來無曾向紫絲  
夸錦障還提如意擊珊瑚一自佳人愁墮地狼籍璣琲與  
簪珥吹笛曾無宋禕存乘輿祇有山松醉梨園此日竝流

傳掠削雲鬟更可憐玳瑁筵中鶯乍囀琉璃屏外柳三眠  
風起羅幃日亭午窈窕文窗亂香雨且看西子擲金錢何  
事東家邀翠羽此地由來苦戰爭北門鎖鑰重論兵簫笳  
久作從軍轉鐃吹唯聞出塞聲二十年閒人事改連營不  
用披金鎧越豔吳歛散夕烽紅泉碧草常相待俯仰承平  
此一時爲歡莫遣鬢成絲從知地主風流極更與尊前賦  
柳枝

吳郡丞采臣署齋出家姬歌舞留宴因成四韻

吏人初散鴈聲邊司馬閒題樂部篇愛寫練裙王內史慣

驚紅粉杜樊川榆關三伏風摧葉柳埃千屯月帶煙莫聽  
圓蘆捲悽調花鬟挾瑟勸觥船

鴈門驛對酒贈妓

銀箏一曲夕陽微葉盡榆關更不飛句注沙明殘雪岸  
滹沱月上美人衣暖傾白墮銷銀燭冷怯瑯鞍試錦圍欲折  
梅花簪鬢好春光愁絕隴頭稀

黃皆令歸吳楊世功索詩送行

皆令名媛介鴛水人歸楊世功以詩

文擅名書畫亦佳絕

曾因臨下樓吳市忽憶藏書過若耶愁殺鴛鴦湖日月年

年相對是天涯

盛名多恐負清閒此去蘭陵好閉關柳絮滿園香茗圻侍  
兒添墨寫青山

嘉興女士黃德貞月輝有送皆令北游調踏歌詞一  
闕云飛絮繁香閣橫波遠畫簾都將煩惱意付與別  
離船白雪長安  
聲價重盼瑤天

陸進蓋思錢塘人

題廣陵女郎小影

淺碧銀紗護幾重紅窗小影勝芙蓉閒時手撥香奩墨雲  
雨連山愁殺儂

葉舒崇

元禮吳江人

元禮爲仲韶先生孫與星期進士竝擅文譽有大小  
阮之目早歲漂零倦遊京雒嘗與僕輩痛飲燕市有  
青山埋骨黃墟邈紅豆關心綠鬢殘之句汪鈍翁  
說鈴日元禮素病羸然頗不耐杜門客有憂之者或  
笑曰猿狙之性動而彌壽予因有詩規元禮云藥裏  
茶鐺故可親底須懷刺逐風塵中朝洗馬方羸疾莫  
倚聲名是璧人又云三載詩名滿薊丘彈棋捉  
塵更風流如何消渴春來甚不爲文君也倦遊

寄阿芸

記得華堂始日成珮環疑逐步虛聲筵前鳳曲紅牙按月  
底龍團素手烹啼罷鵲魂傷錦瑟夢回蝶影惱春城何時  
雙槩三生石繡佛幢前再證盟



按阿芸杭州人元禮雜憶詩有半鉤初月  
移紅樹一曲微波繞綠楊句亦爲芸作也

贈玖兒

珠兒歌罷扇華堂花亂絮恩玉漏長底事夢回人不見練  
裙偏覺露華香

吳

雯

天章蒲  
州人

袁妓潤孃

紅樹紛紛血淚多遠山縹緲憶青蛾人間從此無歌舞惟  
有臨風喚奈何

繫馬朝陽風柳斜青山依舊美人家當年多少閒蝴蝶誰

哭西風葬落花

吳

鏘

聞瑋吳江人

聞瑋偕龐蕙纓夫人葺藤花書屋晨夕倡和于內場  
州吳藺次太守寄示鵲紅二分明月新集題絕句云  
詩筒纔到一緘開明月鵲紅寄得來閨閣文人應下  
拜吳興太守總憐才又云朝來窗閣曉妝遲小婢研  
朱滴露時歌吹竹西明月滿清輝  
多半在君詩麗字初芳又字小畹

吳門感紅藥舊事次梅杓司韻

求名待嫁兩閒人同是尊前未了身何處別離曾記得琵琶

琶含綠牡丹新

丙申春暮同杓司諸子紅藥諸  
姬集含綠堂牡丹花下聽琵琶

送葉學山之秣陵寄詢楊較書妍

妍字步仙舊院  
歌姬也能詩善

書王翬叢蘭竹木兵火後寓  
武定橋南大功坊廢園內

把酒今朝一送君  
秣陵憶別廿年人  
秋風長板橋頭月  
舊是秦淮渡口春

孤客江干八月潮  
綺窗曾記話無聊  
輕紈畫簾叢蘭小  
遮遍春風武定橋

蕭蕭兩鬢已如霜  
俯仰情深解斷腸  
碧水紅欄今在否  
當年花月大功坊

吳 藹  
廬升吳縣人

次韻蔣曠生悼亡姬戴陵濤詩四首

姬廣陵人  
善詞詠

底事風摧異樣花香魂應返玉鉤斜樊川腸斷揚州夢月  
下猶疑響鈿車

時世難留淡淡妝鏡奩零落膩遺香最憐病減西風夜依  
舊詞成弔海棠

石上相逢是舊緣金蟬鈿雀故依然當時一笑渾閒事懊  
惱長教憶往年

由來誰不爲情癡況復多情那自持暮雨朝雲皆是夢縱  
聞紅豆莫相思

周在浚

雪客祥符人

金陵古跡詩

風流南曲已煙銷，剩得西風長板橋。卻憶玉人橋上坐，月

明相對教吹簫。

舊院有長板橋，爲最勝。今院址爲菜圃，獨板橋尙存。當時曲中以沙嫩簫爲第一。

誌公留得舊袈裟，紫鳳天吳莫浪夸。五里松聲天籟絕，卻

從天上聽琵琶。

靈谷寺有寶誌公袈裟，寺前五里松，今濯然矣。琵琶塔行人撫掌應聲作琵琶響。

曲終腸斷李龜年，北調于今迴不傳。一片箏琶凡響遏，淵

淵聲出碧雲邊。

舊院老樂工唱北調，以琵琶箏和之，是宮中所傳。

燒尾檀槽曲已終，念家山破泣吳儂。春風一半吹桃李，腸

斷紅羅亭子中。

南唐于宮中作紅羅亭，亭外種梅。後主與周后坐其中，潘佑有詞云：桃李不須夸爛。

太厚寺後集

卷十二

邵武徐氏刊

燬已輸了春風一半時已失淮南故云燒  
尾檀槽周后琵琶名所製曲有念家山破

莫愁家住石城西樂府流傳路欲迷誰向湖邊辨吳楚清

江門掩夕陽低

石城有女子名莫愁善歌謠其曲云聞歡下揚州相送楚山頭莫愁在楚無疑今石

頭城下有莫愁湖蓋因石頭城與石城之訛遂以爲莫愁所居湖上舊有徐魏國園亭今廢湖近清江門清江卽清

涼門今已閉塞

春草王孫沒見期夕陽猶掛柳絲絲世恩樓上風流事獨

有春來蝴蝶知

東花園園有世恩樓徐髯仙篆扁今廢

龍笛新裁二尺長中懸畫鼓大如筐萬人喝彩燈船過百

盞琉璃賽月光

秦淮燈船所奏皆宮中樂樂半吹笛喝彩其聲如雷聞宮中元夕奏樂亦然前朝盛

時燈船多至  
五七十隻

頓老琵琶奉武皇流傳南內北音亡如何近日人情異悅

耳吳音學太倉

南院頓老琵琶是咸武南巡所造法曲今太倉絃索勝而北音亡矣

桃根桃葉畫樓多秋水秋山喚奈何幾曲小闌明月底有

人曾此別橫波

桃葉渡頭丁老河亭錢虞山龔合肥常主于其家

王

暉

丹麓仁和人

十青詩有序

偶逢姝麗來自維揚擅寵姐之清謳逞雲容之

妙舞桃花扇底不禁紅暈風迴楊柳樓心尤喜

青絲月映何意數年隔面空贈將離遙憐百媚  
生春能無懷夢因拈小字賦得短章

春風心易醉日午夢初醒繡得鞦頭鳳何人共踏青  
不見紅妝影春秋幾度經章臺楊柳色怕減昔時青

林麟煊

石來蒲  
田人

宋宮人斜

在月峰右舊爲雨塌有樵豎入其穴竊蟾蜍釵  
鏡以歸宮人憑巫自述爲宋嬪隨官家航海沒  
此樵懼反寶器而掩之



噪樹寒鴉日夜昏  
內家斜對石龕門  
雲鬟宮樣埋莎草  
薜荔山阿酌酒痕  
厓海不填精衛恨  
春心長託杜鵑魂  
金絲銅鬲傷零落  
紅粉猶傳秘器存

潘

江

蜀藻桐城人  
有木犀集

醉後走筆留別女郎惜惜

纔聽歌聲憐惜惜  
便驅祖帳向勞勞  
他時黻佩如相遇  
只恐安仁已二毛

元日贈歌妓雲輕

釵雀銀蟬玉蕊冠  
妝成不出被人看  
如何最是堪憐處  
獨

立空房小襪寒

酒闌歌散太無聊算定花時訪翠翹再若相逢說相憶自

從元日到今朝

羅世珍

魯峰漢陽人

秦淮後竹枝詞

一代風流嘆絕蹤留賓無復舊司農半生明月秦淮夢付

與西州一慟中

周櫟園先生爲秦淮竹枝詞嘗題一册有半生明月秦淮夢之句

王又旦

幼華邵陽人

示姬人

黃入清秋橘柚枝  
敝裘蕭颯傲涼颺  
從今半臂添微凍  
耐得并州夜雪時

方象瑛

渭仁遂安人  
有健松齋集

洪昉思納姬

姬吳人  
善歌

才子風流倚畫屏  
一時名部擅旗亭  
從今度曲應無誤  
管鸞笙細細聽

吳

樞

習隱秀  
水人

小鳳曲爲勒山賦

迎來雙槳蕩春潮  
細雨東風送小喬  
淚裏紅綃還阿母  
爲

本專記  
三  
儂寄到鳳凰橋

踏青仍與小姑娘偕故故回頭碧玉釵幾日春陰花落盡香泥先沁鳳頭鞋

休唱南朝本事詩鳳箏錦瑟出簾遲曲成不用周郎顧自寫烏絲付雪兒

比翼休同凡鳥猜梧桐滿院半新裁鳳雛詎得供臬食定爲人閒療妬來

江

閨

辰六貴  
陽人

贈女史

梨花滿院不勝寒  
旖旎仙姿卿畫闌  
爲愛看花歸去晚  
看花人轉作花看

本事詩後集卷十二終

本事詩後集卷十二

邵武徐氏刊

吳江徐電發先生以纏綿悱惻之才發爲詩歌負一時盛名雖舉鴻博直史館終以兀傲遭眾口謠詆挂席南歸自放於五湖煙水間何遇之蹇也所輯本事詩十二卷取有明以來纏綿悱惻之作總爲一集讀之能增春女之悲而益秋士之哀其移人也深矣蔣君敬臣勸余重付剞劂余惟徐先生尙有詞苑叢譚六卷當時與此書皆盛行海內原板散失叢譚已刻入海山隱館叢書本事詩則未聞有重鐫者宜蔣君之愆患付梓也余嘗讀蔣君重游端園絕句云舊游題字忍重看聯襪人非景物殘無限感今懷昔

意夕陽明處一憑欄秋香幾樹傍池開池水曾經照影來  
迴合畫廊無恙在傷心紅粉久成灰又金縷曲題香囊云  
巧樣絲千縷記年時謝郎愛佩殷勤乞與妝閣已非當日  
舊故物紫羅珍護更莫閒餘香難駐月不重圓花易謝早  
美人零落歸黃土重檢點淚如雨回思玉腕輕攜處有多  
少難宣隱曲欲披情襟祇有靈犀心暗印密與金鍼共度  
悵緣薄留仙不住雪爪幾痕添綫迹與馬嵬賸馥同千古  
呼不起白楊墓蔣君蓋亦纏綿悱惻人也故於此書愛之  
特深君名清剡吳縣人端園在吳之木瀆鎮埒筆於此以

待後有徐先生其人輯續本事詩之採取云光緒戊子四月邵武徐幹識